

2 tachttern Gebeltzigs sal geben 100 fl. R[heinisch] zu eyner gulden ketten und den andern kyndern 400 mr. in dreyen jaren, und inen mit 15 pferden 4 monden lang, wen sy inen fordern, dynen, und wen dy Gebeltziger in eyn herbrigen komen, dorinne Hans von Gerschorff-Barut ist, sal er inen weichen und sy dorinen lossen. 1533.

Bl. 9b. Dy Peter Emrichin hot eyn garten Thomas Kobern¹⁾ vorkaufft, der den furder Jeronimo Epler²⁾ vorkaufft und dy Peter Emrichen hot den garten kauff fur den eldesten hern gemeldet, do der zugelossen, hynoch Dinstagen noch Margreten 1533³⁾ fur gehogter dingbangk durch eym vormunden uffgereicht; dornoch hot sy sollichen kauffe fur den eldesten hern wider uffgesaget und dy eldesten hern haben Eplern zur loslassung wollen drengen des kauffs 6. ad vinc. Petri⁴⁾.

Sonabends post ad vincula Petri 33⁵⁾ ist dy Stangyn von Pfaffendorff fur dem rathe gestanden dorumb, das sy eyn harband gekaufft und nicht hat wollen betzalen, villeuchte, das sys zu tewer gekaufft und dem [verkäufer] das harbandt wider zugeben angeboten; ist ir zurkan, den kauff zu halden ader $\frac{1}{2}$ schock wandelkauff zwischen Dornstag zugeben. Schau, wy gleich wyrt hy geurteilt!

Item her Leonhart Moller hatte mit dem buche zubeweysen, das er seyn muterlich und veterlich angefelle unentricht uff seyns vatern hause [habe], das seyn bruder kauffsweyse an sich bracht [der], in grosse schult gefallen, das den gleubigern vorschryben; inen⁶⁾ hulff dy schryfft nichten, wart dovon gedrungen; quod: der magister⁷⁾ hot interesse in der gesellschaft etc.

Bl. 10a. Sabato post ad vincula⁸⁾ ist der alde Bergkman von Leschwitz fur dem rathe gewest und angetzeiget, er hette seynem eydem 1 stuck von der durren wysen fur 200 mark gelossen; ist dem der kauff zugelossen, doch mit bescheyde, wo dy gantze wyse veylh wurde, widerumb dem rath selt angeboten und vorkaufft werden.

Jungen Emriche⁹⁾, Gregorius Bernt¹⁰⁾; das wer und lache. Do als Gregorius den jungen Emerichen 46 mark schuldig gewest und sy inen gemaneth, das er inen nicht wolt geben, als haben sy sich an des¹¹⁾ pawern gerochen, dy uff irer seyten acker und wysen haben und uber der Emeriche pawer guter faren müssen

1) v. 1536—44 im Rathe. (Neumann's Verz.)

2) im Rathe von 1535—59, gest. den 6. Januar (ibid.)

3) den 15. Juli 1533.

4) freitag, den 1. August 1533.

5) den 2. August.

6) = ihm.

7) jedenfalls „Joh. Haß“ gemeint.

8) 2. August 1533.

9) wohl die Söhne Wenzel Emrichs, des Stiefbruders von Georg Emrich, gemeint.

10) Baccalaureus Gregorius Bernt war von 1519—1533, wo er starb, im Rathe (Neumann's Verz. der Rathsmittglieder, Bibl. der Oberl. Ges. d. Wissensch., S. IV, 26b).

11) soviel wie „dessen“.